

中國方志叢書·華北地方·第二八八號

據

清 · 道 · 光 · 年 · 間 · 刊 · 本

影印

陝西 省

秦疆治略

(全)



5439/25

成文出版社有限公司印行



10098674

中華民國五十九年 月壹一版

秦疆治略

全一冊

發行人：黃 成 助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

秦疆治畧序

朝廷之設官爲民而地方官之於民尤切也保障期土
父母斯民舉凡風俗之淳漓山川之險易以及天
時地利士習民情何一不關於治理豈惟簿書期
會卽爲畢乃事乎顧簿書則有定程可稽而治理
則無額課可考苟非出以誠意鮮不託諸空談夫
地方總以得人爲要必使民安物阜俗美風淳襄
大化之流行名太和之翔洽是豈專在上司督責
而實貴于地方官之能盡其職夫地方官之盡職
亦難言矣必公正其心必廉潔其守洞明事理權

衡重輕度幾措施咸宜興除悉當旣非鹵莽所能
爲更非粉飾所可冒方今南山開墾日廣游民聚
積日多治理情形較當時尤爲緊要而數十年來
生齒繁衆卽平原各屬風氣亦與往昔不同任地
方者當何如兢兢惕厲以冀克稱厥職耶其或民
生未遂何以裕之士習不端何以挽之風俗頽敝
禮讓無聞將何道以化之竊盜頻仍閭閻受害將
何術以戢之猾吏蠹役何以察其奸賄棍徒匪何
以絕其跡他如地利之未盡水道之不通倉社積
貯之盈虛保甲稽查之利弊以及按讞聽訟贍老

濟貧悉皆地方之要務均爲治道所宜先亟應講求因通行各屬令就地方實在情形詳晰稟復茲擇其有關利弊者輯爲此編名曰秦疆治畧司牧者誠能耐一己之煩勞悉心籌畫禁一切之擾累實力奉行勉爲循良恪盡職守庶幾利興弊革不難臻于上理余有厚望焉撫秦使者涿鹿盧坤

秦疆治略

序

二

西安府孝義廳

繁疲難

調

在府東南三百二十里四面皆山東西五百餘里南北一百餘里民皆穴居巖處戶口零星不成村落兼有柴廂紙廠雜聚庸流道光三年查明共男女大小四萬四千六百餘名口幽谷窮簷之民耳不聞教化故招夫養夫恬不爲非也目不睹典型故謀殺故殺愍不畏死也不有以震動之廉恥之志不興不有以防維之忌憚之心不作雖誥誡頻煩章程屢立而保約奉爲虛文山愚目不識丁旣難戶曉曷克周知惟有嚴

行保甲查對門牌各發循環印簿按月交換仍
令各紙木廂廠將工匠人等照式填註隨時抽
查庶游民無所容留奸匪藉以歛跡竝設立義
學延請名師資以膏火加以獎勵庶民皆知義
漸可洗心革面矣

西安府寧陝廳 繁疲難 題

在府南一百八十里係乾隆四十八年分撥石泉長安洋縣整厓鎮安五縣餘壤建爲廳治南北綿亘六百餘里叢林密菁跬步皆山居民五方雜處土著者僅有十分之二道光三年查明民數共男女大小十二萬九千餘名口內中木廂鐵廠工匠甚多亦宜嚴行保甲隨時抽查有游手無業之人不許入牌卽行驅逐其強橫者稟官究辦惟該廳殷實之民甚少力作工苦者居多年歲豐稔尚可支持若遇荒年倍形竭蹶

宜勸捐儲積存貯公所仿照古社倉法春借秋
還竝飭保正總約分司收借之事互相稽查隨
時稟報卽將出借姓名給示發貼各處則戶口
不致冒濫事歸實濟總期日積日多俾無力農
民得資口食庶幾有備無患

長安縣 衝繁疲難 調

附西安府郭在省城西北隅東至咸寧分界西
界咸陽二十五里南界鎮安一百六十里北界
涇陽三十里分管城內關廂共五十三坊西南
北三鄉編戶四十九里道光三年查明男女大
小共二十五萬九千餘名口人多淳朴士尚氣
節市交不欺衣履布素屋宇質陋器惟瓦甃冠
婚喪祭悉遵會典城內輻輳交午闔闔崇比五
方雜居不可區域北鄉地居龍首土燥水深時
虞旱坼民尚勤儉鮮爭訟西鄉地衍瀕灃常病

潞溢而土田沃饒民重稼穡士習詩書有豐鎬
之遺風焉南鄉則山川環帶風俗淳古渠水甚
多地宜秔稻緣山柿栗歲供租課惟子午峪石
黿峪道通興漢商賈絡繹市多榷酤最易藏奸
山內川楚客民開墾山地良莠不一宜嚴行保
中時常抽查使奸民無所容留則人安生業行
旅無虞矣

咸寧縣 衝繁疲難 調

附西安府郭在省城東南隅東至臨潼界四十
五里西至長安分界南至鎮安界二百五十里
北至高陵界三十里分管城內關廂共三十九
坊東南北三鄉共六十六里道光三年查明男
女大小三十一萬餘名口地在平原土宜二麥
平川之地鑿井灌田高埠之處悉賴雨雪惟南
鄉地近終南所轄有峪口五處峪內山水流行
共開渠十九道引水灌田三萬六千餘畝土宜
稻禾但山水不時暴發泥沙附入渠道易於淤

塞宜隨時挑濬城內五方雜處商賈雲集風俗
昔尚勤儉士習本業力學攻苦故科甲聯翩農
皆力田百工不尚技巧近來漸染浮囂習氣兼
之北鄉與高陵接壤回民雜處頗好鬪狠宜嚴
行保甲慎選鄉保平時勸諭化導一有不法卽
爲舉報加以懲治庶可返樸還淳

咸陽縣 衝繁難 調

在府西北五十里東界長安二十五里西界興平二十五里南界鄠縣二十里北界涇陽三十里編戶十里道光三年查明男女大小共一十一萬四千六百餘名口幅員本狹則耳目易周烟戶無多則案牘亦簡民守法令甘辛苦安儉素東南正南地沃饒農民於麥收後復種秋穀可望兩收並有專務場圃者合縣所食之菜皆販之南鄉獲利較厚正西地勢平衍宜種麥禾但使雨澤無愆收穫可望西北盡在高原須汲

水灌溉設遇旱乾歲收輒歉東北地勢尤高土性磽确汲水尤難農民往往間歲播種城內係水陸馬頭商賈雲集氣象頗形富庶其實各舖皆係浮居客商貨物皆從各縣馱載至此由水路運往晉豫至糧食木板亦由西路車運而來用舟載至下路到此納稅給票方準放行奸商之壟斷牙儉之把持皆所不免至於士知學問罕事商賈衣冠文物儼有古風惟婚姻重財喪葬作佛事設戲樂並停柩多年不葬者則頽風之未革敝俗之相仍是在地方官整飭化導耳

興平縣 衝繁

在府西一百里東界咸陽五十里西界武功九
十里南界盩厔七十里北界醴泉五十里編戶
十五里道光三年查明共男女大小一十三萬
三千餘名口民多質直風尚淳樸素稱易治地
處平原無山林無水利祇以耕耨營生縣城以
南地卑水淺多有鑿井灌田者夏秋所獲自較
旱田頗勝然必糞多而有灌溉之勤乃能有獲
縣北皆在高原水深不能汲灌惟賴雨水雖地
廣人稀而土厚耐旱所以鄉間俗語有高原低